

**Broj: 1-25-16-4-4348-26/16**  
**Mostar, 12.05.2017.godine**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 64. stav (1). tačka b), člana 70. stav (1), (3), i (6), Zakona o javnim nabavkama („Službeni glasnik BiH“, broj 39/14), člana 8. (2) f) Pravilnika o uspostavljanju i radu Komisije za nabavke (Službeni glasnik BiH“, broj 103/14), na Preporuku Komisije za javnu nabavku broj: 1-25-16-4-4348-25/16 od 04.05.2017. godine, u postupku javne nabavke usluga unajmljivanja radarske slike sa lokacija Psunj i Kozjak u svrhu radarskog pokrivanja u zračnom prostoru BiH u pregovaračkom postupku bez objave obavještenja o nabavci, direktor Agencije za pružanje usluga u zračnoj plovidbi BiH na osnovu zaključka sa 44. sjednice Uprave Agencije održane dana 08.05.2017.godine donosi

## **ODLUKU** **o izboru najpovoljnijeg ponuđača**

### **Član 1.**

Prihvata se Preporuka Komisije za javne nabavke, 1-25-16-4-4348-25/16 od 04.05.2017. godine godine i ugovor za javnu nabavku usluga unajmljivanja radarske slike sa lokacija Psunj i Kozjak u svrhu radarskog pokrivanja u zračnom prostoru BiH dodjeljuje se ponuđaču Hrvatska kontrola zračne plovidbe, Rudolfa Fizira 2, Velika Gorica, Hrvatska, ponuda broj: 2/2017 od 25.04.2017. godine, za ponuđenu cijenu od 520.080,00 EUR bez PDV-a i sa popustom, za period od dvije godine, primjenjujući kriterij najniže cijene.

### **Član 2.**

Ponuđač iz člana 1. ove Odluke se obavezuje dostaviti Ugovornom organu prije potpisa Ugovora važeći ISO 9001 certifikat.

### **Član 3.**

Za izvršenje ove odluke zadužuje se i ovlašćuje Komisija imenovana Odlukom broj: 1-11-16-4-4348-3/16 od 02.02.2017. godine.

### **Član 4.**

Ova odluka objavit će se na web-stranici [www.bhansa.gov.ba](http://www.bhansa.gov.ba), istovremeno s upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

### **Član 5.**

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

## **Obrazloženje**

Na osnovu Odluke o pokretanju postupka javne nabavke usluge unajmljivanja radarske slike sa lokacija Kozjak i Psunj u svrhu radarskog pokrivanja u zračnom prostoru BiH, broj 1-11-16-4-4348-2/16 od 15.12.2016.godine, Komisija je pristupila provođenju pregovaračkog postupka bez

objave obavještenja o nabavci, a imajući u vidu da su ispunjeni uslovi iz člana 21. c) Zakona o javnim nabavkama („Službeni glasnik BiH“ broj 39/14). Naime, kao zaključak, a na osnovu svih relevantnih dokumenata kao i simulacija i analiza koje su vršene, **neophodno je unajmljivanje radarske slike sa lokacija Psunj i Kozjak** iz Republike Hrvatske kako bi se odgovorilo potrebnim operativnim zahtjevima minimalno dvostrukog pokrivanja na teritoriji FIR BIH i uslov od minimalno 30NM pokrivanja preko granice AoR. Za potrebe operativnog rada potrebno je da radarsko pokrivanje mora ispuniti operativni zahtjev dvostrukog pokrivanja sekundarnim radarom SSR i to od FL 100 unutar FIR BiH i do 30 NM iza granice BHACC AoR..

U skladu sa Zakonom o javnim nabavkama i Uputstvom za pripremu modela tenderske dokumentacije Komisija je utvrdila sadržaj zahtjeva za učešće. Komisija je pristupila izradi poziva za dostavljanje Zahtjeva za učešće, a sve u skladu sa članom 2.stav (3) Uputstva za pripremu modela tenderske dokumentacije i ponuda u kojem je propisano da je prvi dio tenderske dokumentacije osnova za izradu Zahtjeva za učešće, izrađuje se u formi poziva za učešće i sadrži dovoljno podataka za izradu Zahtjeva za učešće, drugi dio tenderske dokumentacije je osnova za izradu ponude, i to: inicijalne ponude i konačne ponude ili rješenja, a dostavlja se svim kvalifikovanim kandidatima, uz poziv na dostavu ponude, na pregovaranje ili na učešće u dijalogu.

Dana 06.03.2017. godine ponuđaču Hrvatska kontrola zračne plovidbe, Rudolfa Fizira 2, Velika Gorica, Hrvatska, 10150 Zagreb – zračna luka, p.p.45, putem e-maila i putem pošte je upućen poziv za dostavljanje zahtjeva za učešće u pregovaračkom postupku bez objave obavještenja.

Ugovorni organ je na svojoj web stranici objavio informaciju o provođenju pregovaračkog postupku bez objave obavještenja za predmetnu nabavku u skladu sa članom 28. stav (4) Zakona o javnim nabavkama.

Konstatirano je da je dana 13.03.2017.godine u 14:30 sati pristigao jedan zahtjev za učešće u predviđenom roku i to od ponuđača kojem je Ugovorni organ uputio poziv za dostavu zahtjeva za učešće. Analizom dokumentacije konstatovano je da je ponuđač Hrvatska kontrola zračne plovidbe d.o.o, Rudolfa Fizira 2, Velika Gorica, Hrvatska, 10150 Zagreb – zračna luka, p.p.45 kvalifikovan, te u skladu sa članom 28. Zakona o javnim nabavkama, može učestvovati u daljnjem toku postupka. Ugovorni organ je prihvatio preporuku Komisije te donio Odluku o rezultatima kvalifikacije, a kojom se konstatuje da kandidat Hrvatska kontrola zračne plovidbe kvalifikovan, te da može sudjelovati u daljem toku postupka.

U daljem toku postupka utvrđeno je da je blagovremeno zaprimljena inicijalna ponuda u predmetnom postupku, od strane Hrvatske kontrole zračne plovidbe d.o.o. , Velika Gorica , Rudolfa Fizira 2, Zagreb. Analizom dostavljene ponude, utvrđeno je da je ista prihvatljiva. Ponuđač je ponudio cijenu u iznosu od 264.000,00 EUR na godišnjem nivou odnosno 528.080,00 EUR za period od dvije godine, ponuđač nije ponudio popust, te je isti naveo da PDV nije uključen (reverse charge).

Članom 28. stav (5) Zakona o javnim nabavkama („Službeni glasnik BiH, broj 39/14) propisano je da početna ponuda osnov za pregovaranje. Na osnovu člana 28. stav (5) Zakona o javnim nabavkama („Službeni glasnik BiH“, broj: 39/14) i člana 14. stav (1) tačka k) Odluke o imenovanju Komisije, Komisija za javnu nabavku usluge unajmljivanja radarske slike sa lokacija Psunj i Kozjak u svrhu radarskog pokrivanja u zračnom prostoru BiH je održala pregovore sa ponuđačem **Hrvatska kontrola zračne plovidbe d.o.o., Rudolfa Fizira 2, Velika Gorica, Hrvatska, 10150 Zagreb – zračna luka, p.p. 45**. Pregovori su počeli dana 06.04.2017. godine sa početkom u 09,15 sati. Pregovaranje se obavilo putem elektronske pošte (e-maila), o čemu je sačinjen zapisnik, a koji čini sastavni dio dokumentacije koja se odnosi na predmetnu nabavku.

Pregovori su okončani 13.04.2017.godine u 11.19 sati. Komisija je izradila i uputila ponuđaču poziv za dostavu konačne ponude. Krajnji rok za dostavu ponuda bio je 04.05.2017. godine do 12,00 sati. Komisija je konstatala da je ponuda ponuđača Hrvatska kontrola zračne plovitbe d.o.o. stigla blagovremeno putem pošte, te je pristupila otvaranju i analizi iste.

**Uvidom u pristiglu dokumentaciju konstantirano je sljedeće:**

- Konačna ponuda sačinjena je u skladu sa pozivom za dostavu konačnih ponuda.
- Ukupna cijena na godišnjem nivou bez PDV-a: 264.000,00 EUR
- Popust 1,5 %
- Cijena sa popustom i bez PDV-a na godišnjem nivou iznosi 260.040,00 EUR
- Ukupna cijena za Ugovor ( za period od dvije godine) je 520.080,00 EUR sa popustom i bez PDV-a EUR

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka, Uprava Agencije za pružanje usluga u zračnoj plovidbi BiH nije našla razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač izabran primjenjujući kriterij najniže cijene, koja je ponuđena u iznosu od 520.080,00 EUR bez PDV-a i sa popustom, za period od dvije godine.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine, odlučeno je kao u dispozitivu.

**POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 30 (trideset) dana od dana objave obavještenja o dodjeli Ugovora.



**Dostaviti:**

- Hrvatska kontrola zračne plovidbe d.o.o.
- web stranica
- a/a